



www.BibleForChildren.org

Génesis 1




Imapis manaraq kaptinmi
Teyta Dios kamarqan
ciëluta y kë
patsata.




Kë patsaqa manam kanan
këkanqannötsu karqan,
sinöqa paqasyarëkaq
yakullam karqan.

Tsë yaku jananchömi
Teyta Diospa Espiritun
kuyukïkarqan.




Tsämi Teyta Dios nirqan: <<¡Atsikyaq katsun!>>
Niptinnam atsikyarqan. Atsikyëpa shutinmi churarqan
junaqta y mana atsikyëpatanam tutapëta. Tsëkunatam
kamarqan punta kaq junaqchö.




Tsëpitanam Teyta Dios nirqan: <<Yaku ishkëman
rakikënanpaq yaku chöpinchö azulyarëkaq katsun>>.
Azulyarëkaqpa shutinmi Teyta Dios churarqan ciëlu nir.
Tsëkunatam kamarqan ishkë kaq junaqchö.



Tsëpitanam Teyta Dios nirqan: <<Tsaki patsa rikakänanpaq ura kaq yaku juk lädullaman ëllukäyätsun>>. Ninqannöllum llapanpis patsakarqan. Tsaki kaqpa shutinmi Teyta Dios churarqan patsa nir. Y ëllukashqa yakutanam lamar nirqan. Tsëta kamarirmi Teyta Dios rikarqan alli kanqanta.



Tsëpitanam nirqan: <<Patsapita jeqamutsun tukiläya qorakuna: muruyuq qorakuna y tukiläya wayuq montikunapis>>. Ninqannöllum llapanpis karqan. Tsëkunatam kamarqan kima kaq junaqchö.



Tsënöllam kamarqan intita, killata y qoyllurkunatapis.
Intitam kamarqan junaqpa aktsinanpaq
y killatanam kamarqan paqaspa
aktsinanpaq. Tsëkunatam chusku
kaq junaqchö kamarqan.




Tsëpitanam Teyta Dios nirqan:
<<Yakuchö pescädukunapis y
patsa jananpa päriqkunapis
atska kayätsun>>. Tsëkunatam
pitsqa kaq junaqchö
kamarqan.




Tsëpitanam Teyta Dios nirqan: <<Tukiläya wätana kaq y mana wätana kaq animalkunapis kayätsun. Tsënö katsun lätëpa puriqkunapis>>. Ninqannöllum Ilapanpis karqan.



Tsëpitanam nirqan: <<Kananqa nunata kamashun
kikintsik niraqta. Noqantsiknö kananpaqmi pëta
kamashun. Pëpa munëninchömi kayanqa
pescädukuna, päriqkuna, wätana kaq y mana wätana
kaq animalkuna y lätëpa
puriqkunapis>>. Llapan
kamanqankuna alläpa alli kanqantam
rikarqan. Tsëkunatam Teyta
Dios kamarqan joqta kaq
junaqchö.



Kamanqan nunatam Edén huertaman Teyta Dios
churarqan tsëchö uryar shumaq cuidananpaq.



Tsëpitanam nunata
nirqan: <<Kë huertachö
montikunapa wayïninga
llapanpis
mikunëkipaqmi.

Tsënö kaptinpis ama
mikunkitsu alli kaqta
y mana alli kaqta
musyatsikuq montipa
wayïnintaqa. Tsëta
mikirqa wanunkim>>.



Tsënöpam shutinkuna Adán churarqan
wätana kaq y mana wätana kaq
animalkunapata y päriqkunapatapis.
Tukiläya kaptinpis nunapa
yanaqinpaqnöqa manam karqantsu.



Tsämi Teyta Dios Adánta wanipa punukäratsir juk
costillanta jorqurirqan. Jorqurirnam kanqantanölla
kutirkatsirqan. Tsë jorqushqan
costillapita warmita rurarirmi
nuna kaqman pusharqan.



Tsämi mamänpita tētanpita ollqu
yarqukun warminwan mana rakikēpa
täkuyānanpaq. Tsēnō täkurmi
ishkanpis jukllēllanō kayanqa.



Nunakunata alläpa kuyarmi japallan
Tsurinta Teyta Dios kachamurqan.
Tsëmi pipis pëman markäkuq kaqqa
condenashqatsu kanqa, sinöqa
wiñë kawëtam taringa.



Romanos 3:23 Llapan nunakunam jutsayuq kar Teyta Diospa nöpanman chëta puëdiyantsu.

Romanos 6:23 Jutsa rurëqa wanïmanmi apamantsik. Señornintsik Jesucristo noqantsik rëkur wanushqa kaptinmi Teyta Dios alli këninwan salvamantsik nöpanchö wiñëpa kawanantsikpaq.

Hebreos 9:27 Tsënöllum llapan nunakunapis juk kutilla wanuyan y tsëpitaqa juzgashqanam kayanqa.

Efesios 2:8,9 Teyta Dios ankupäkuq karmi Jesucristuman markäkushqa salvacionta qaramashqantsik. Manam kikintsikpitatsu ni allita rurashqantsikpitatsu salvacionta tarirquntsik, sinöqa Teyta Diospitam. Tsëmi pipis alabakunqatsu: <<Allikunata rurashqäpitam Teyta Dios salvamashqa>> nir.



Romanos 10:9,10 Señornintsik Jesucristo mandashuqniki kashqanta nirqa y wanushqanpita Teyta Dios kawaritsishqanta llapan shonqikikunawan creyirqa salvashqam kayanki. Llapan shonqikiwan creyiyaptikiqa Teyta Dios perdonayäshunkim. <<Señor Jesucristuqa mandamaqnimi këkan>> niyaptikiqa Teyta Dios salvayäshunkim.

Juan 3:16,17 Nunakunata alläpa kuyarmi japallan Tsurinta Teyta Dios kachamurqan. Tsëmi pipis pëman markäkuq kaqqa condenashqatsu kanqa, sinöqa wiñë kawëtam taringa. Manam nunakunata infiernuman jitananpaqtsu Teyta Dios Tsurinta kachamurqan, sinöqa pëman markäkuyaptin salvananpaqmi.



1 Juan 5:11-13 Wiñë kawëta qomashqantsiktam Teyta Dios käyitsimarquntsik. Tsë kawëtaqa tarintsik Tsurin Jesucristuta chaskikurmi. Teyta Diospa Tsurinta chaskikuq kaqqa wiñë kawëtam tarin. Mana chaskikuq kaqqa tsë kawëta manam tarinqatsu. Teyta Diospa Tsurinman markäkuyaptikim kë cartata apatsimü wiñë kawëta tariyashqëkita musyayänëkipaq.



Génesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Quechua, Huaylas Ancash Bible (qwh) © 2018, Wycliffe
Bible Translators, Inc. All rights reserved.

<https://www.bible.com/bible/734/GEN.1.QWHB>

©2025 Bible for Children, Inc.

www.M1914.org

www.bibleforchildren.org

